

(Službeni glasnik BiH br. 56/06)

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 81. sjednici Predstavničkog doma, održanoj 20. juna 2006. godine, i na 60. sjednici Doma naroda, održanoj 7. jula 2006. godine, usvojila je

ZAKON

**O IZMJENAMA I DOPUNAMA ZAKONA O OBAVJEŠTAJNO-SIGURNOSNOJ AGENCIJI
BOSNE I HERCEGOVINE**

Član 1.

U Zakonu o Obavještajno-sigurnosnoj agenciji Bosne i Hercegovine ("Službeni glasnik BiH", br. 12/04 i 20/04) u članu 1. stavu 1. iza riječi "analiziranje" dodaje se zarez i riječ "obradu".

U članu 1. stavu 2. iza riječi "Ustava" dodaju se riječi: "i zakona".

Član 2.

U članu 5. stavu 1. iza riječi "analiziranje" dodaje se zarez i riječ "obradu".

U članu 5. stavu 2. riječ "uključujući" zamjenjuje se riječima: "a naročito".

Član 3.

U članu 6. stavu 4. iza riječi "Agenciji" dodaju se riječi: "ili osoba koje mogu biti izvor Agenciji".

U članu 6. iza stava 4. dodaju se novi st. 5. i 6. koji glase:

"Agencija je odgovorna i za provođenje sigurnosnih provjera i ostalih aktivnosti koje su joj date u nadležnost Zakonom o zaštiti tajnih podataka ("Službeni glasnik BiH", broj 54/05).

Agencija prikuplja strateške vojne podatke i vrši protuobavještajne aktivnosti kako je propisano Zakonom o odbrani Bosne i Hercegovine ("Službeni glasnik BiH", broj 88/05)."

U članu 6. stavu 7. riječ "povjerljive" zamjenjuje se riječju "tajne".

Član 4.

U članu 7. stavu 1. alineji 5. riječi: "obavještajne politike" zamjenjuju se riječima: "obavještajno-sigurnosne politike".

Član 5.

U članu 8. alineji 1. riječi: "sigurnosno-obavještajnoj politici" zamjenjuju se riječima: "obavještajno-sigurnosnoj politici".

U alineji 5. na kraju rečenice tačka se zamjenjuje tačkom i zarezom i iza alineje 5. dodaje se nova alineja 6. koja glasi:

"6. odobrava Pravilnik o postupku vršenja sigurnosnih provjera propisanih Zakonom o zaštiti tajnih podataka."

Član 6.

U članu 9. riječi: "sigurnosno-obavještajne politike" zamjenjuju se riječima: "obavještajno-sigurnosne politike".

Član 7.

U članu 11. iza stava 3. dodaje se novi stav 4. koji glasi:

"Obavještajno-sigurnosno-savjetodavnom službom rukovodi sekretar kojeg imenuje predsjedavajući. Izuzetno od odredbe stava 3. ovog člana, sekretar nije državni službenik i na njega se primjenjuju odredbe Zakona o državnoj službi u institucijama Bosne i Hercegovine ("Službeni glasnik BiH", br. 12/02, 19/02, 8/03, 35/03, 4/04, 17/04, 26/04, 37/04, 48/05 i 2/06) koje reguliraju status savjetnika."

Član 8.

U članu 17. riječi: "u pogledu tajnih podataka o službenim, vojnim ili državnim tajnama" zamjenjuju se riječima: "u pogledu tajnih podataka".

Član 9.

U članu 18. stavu 2. na kraju rečenice iza riječi "Agencija" dodaju se riječi: "i dobivaju dozvolu za pristup tajnim podacima na način utvrđen Zakonom o zaštiti tajnih podataka". Ostali dio teksta stava briše se.

U članu 18. stav 3. mijenja se i glasi:

"U slučajevima kada se u skladu sa Zakonom o zaštiti tajnih podataka odbije izdavanje dozvole kandidatu, kandidat može pokrenuti žalbeni postupak propisan Zakonom o zaštiti tajnih podataka. Kandidat o čijoj žalbi raspravlja Sigurnosno-obavještajna komisija izuzima se iz rada komisije dok traje žalbeni postupak, odnosno do donošenja konačne odluke o izdavanju dozvole, u skladu sa Zakonom o zaštiti tajnih podataka."

Član 10.

U članu 19. stav 4. alineja 2. mijenja se i glasi:

"održava raspravu o imenovanju generalnog direktora, zamjenika generalnog direktora i glavnog inspektora Agencije, te daje mišljenje o tim imenovanjima".

Član 11.

U članu 22. stavu 1. riječi: "službenih tajni" zamjenjuju se riječima: "tajnih podataka".

U članu 22. stavu 2. u prvoj rečenici iza riječi "tajne" tačka se zamjenjuje zarezom i dodaju riječi: "uz saglasnost ovlaštenog lica za određivanje tajnosti podataka".

Član 12.

U članu 23. stavu 1. riječi: "povjerljivih informacija" zamjenjuju se riječima: "tajnih podataka".

U članu 23. stavu 2. riječ "povjerljivom" zamjenjuje se riječju "tajnom".

Član 13.

U članu 28. tačka b) briše se, u tački c) riječ "povjerljivosti" zamjenjuje se riječju "tajnosti", a u tački o) riječ "općim" zamjenjuje se riječju "posebnim".

Član 14.

U članu 32. iza stava 1. dodaje se novi stav 2. koji glasi:

"Prijedlog imenovanja glavnog inspektora utvrđuje predsjedavajući Vijeća ministara na osnovu konsultacija sa svojim zamjenicima, članovima Predsjedništva BiH i Zajedničkom sigurnosno-obavještajnom komisijom Parlamentarne skupštine BiH".

U članu 32. stavu 3. riječi: "državne, vojne ili službene tajne" zamjenjuju se riječima: "tajnog podatka".

Član 15.

U članu 33. dodaje se novi stav 2. koji glasi:

"Vijeće ministara donijet će propis o načinu i postupku vršenja nadležnosti glavnog inspektora iz stava 1. ovog člana."

Član 16.

U članu 38. stavu 2. riječ "opisom" zamjenjuje se riječju "nazivom".

Član 17.

U članu 39. stavu 1. riječi: "Obavještajno-sigurnosno-savjetodavne službe i Ministarstva sigurnosti" zamjenjuju se riječju "Agencije".

U članu 39. stavu 2. iza riječi "direktoru" riječ "i" zamjenjuje se "zarezom", iza riječi "zamjeniku" dodaju se riječi: "i glavnom inspektoru".

Član 18.

U članu 40. stavu 1. tačka e) briše se.

U članu 40. stavu 5. riječ "službu" zamjenjuje se riječju "Agenciju".

Član 19.

U članu 41. na početku rečenice riječi: "Konačnu odluku" zamjenjuju se riječima: "Konačno rješenje".

Član 20.

U članu 44. stavu 1. tački a) riječi: "po ugovoru o djelu" zamjenjuju se riječima: "na određeno vrijeme".

U članu 44. iza stava 1. dodaju se novi st. 2. i 3. koji glase:

"Zaposlenici Agencije na radnim mjestima koja uključuju obavljanje operativnih aktivnosti imaju pravo na staž osiguranja u uvećanom trajanju tako da se svakih 12 mjeseci efektivnog rada u Agenciji obračunava kao 16 mjeseci staža osiguranja. Listu radnih mjesta utvrđuje Vijeće ministara, na prijedlog generalnog direktora, zamjenika generalnog direktora i glavnog inspektora.

Zaposlenicima Agencije kojima nedostaju najviše tri godine staža do sticanja zakonskih uslova za penzionisanje, ne može prestati radni odnos u Agenciji zbog prekobrojnosti."

Član 21.

Iza člana 47. dodaje se novi član 47 a. koji glasi:

"Član 47 a.

Zaposlenici Agencije mogu se uputiti u organ državne uprave, instituciju, agenciju ili pravno lice radi obavljanja aktivnosti u skladu s ovim zakonom ili sporazumom iz člana 67. ovog zakona.

Organi, odnosno pravna lica iz stava 1. ovog člana mogu uputiti u Agenciju svoje zaposlenike radi obavljanja aktivnosti iz stava 1. ovog člana.

Odluku o upućivanju zaposlenika Agencije i prijemu zaposlenika iz stava 2. ovog člana donosi generalni direktor na osnovu sporazuma s rukovodiocem organa iz stava 1. ovog člana kojeg odobrava predsjedavajući.

Sporazum iz stava 3. ovog člana detaljnije uređuje odnose i koordinaciju između Agencije i organa, odnosno pravnih lica iz stava 1. ovog člana, prava i dužnosti zaposlenika iz stava 2. ovog člana te administrativna i druga pitanja od važnosti."

Član 22.

U članu 59. stav 1. mijenja se i glasi:

"Zaposlenici Agencije odgovaraju disciplinski zbog povreda službenih dužnosti utvrđenih ovim zakonom i podzakonskim aktima Agencije."

U članu 59. iza stava 1. dodaje se novi stav 2. koji glasi:

"Povrede službene dužnosti su teže i lakše. Sankcija za težu povredu službene dužnosti je disciplinska kazna, a za lakšu povredu disciplinska mjera."

U članu 59. stavu 2. riječi: "Pod 'povredom službenih dužnosti' podrazumijeva se" zamjenjuju se riječima: "Teže povrede službene dužnosti su".

Tačka b) mijenja se i glasi: "odavanje tajnog podatka suprotno Zakonu o zaštiti tajnih podataka ili drugim zakonima i propisima".

Na kraju tačke i) tačka se zamjenjuje tačkom i zarezom i dodaje se nova tačka j) koja glasi:

"j) najmanje tri lakše povrede službene dužnosti učinjene tokom jedne kalendarske godine."

U članu 59. iza stava 3. dodaje se novi stav koji glasi:

"Lakše povrede službene dužnosti utvrđuju se Pravilnikom o disciplinskoj odgovornosti."

U članu 59. stavu 4. iza riječi "odgovornost" dodaje se zarez i riječi: "vrste sankcija i nadležnosti za izricanje sankcija", a riječi: "precizirano je" zamjenjuju se riječima: "precizirani su".

Član 23.

U članu 60. stavu 1. tačka c) mijenja se i glasi: "ispunjavanje zakonskih uslova za penzionisanje".

Član 24.

U članu 62. stavu 2. riječi: "provesti istragu" zamjenjuju se riječima: "provesti aktivnosti iz člana 76. ovog zakona".

Član 25.

U članu 67. stavu 1. riječi: "povjerljivih informacija" zamjenjuju se riječima: "tajnih podataka".

U članu 67. iza stava 1. dodaje se novi stav 2. koji glasi:

"Saradnja i pomoć iz stava 1. ovog člana može se detaljnije uspostaviti i propisati sporazumom između organa i institucija Bosne i Hercegovine iz stava 1. ovog člana. Sporazumom se mogu uspostaviti tijela za saradnju te propisati njihov sastav, zadaci, nadležnosti, administrativna i druga pitanja."

Član 26.

U članu 72. iza riječi "analizira" dodaje se zarez i riječ "obrađuje".

Član 27.

U članu 74. na početku rečenice riječ "istraga" zamjenjuje se riječju "operacija", a u tački b) riječi: "koji su dužni udovoljiti zahtjevima Agencije" zamjenjuju se riječima: "neposrednim pristupom bazi podataka".

Član 28.

U članu 75. stavu 1. iza riječi "osnovi" dodaju se riječi: "i predstavlja tajni podatak u skladu sa Zakonom o zaštiti tajnih podataka".

Član 29.

U članu 77. stavu 2. riječ "istragu" zamjenjuje se riječju "istraživanje".

U članu 77. iza stava 3. dodaje se novi stav 4. koji glasi:

"Preduzeća koja obavljaju prijenos podataka dužna su Agenciji omogućiti provođenje odobrenih radnji iz ovog člana."

U članu 77. stav 5. mijenja se i glasi:

"Građanin Bosne i Hercegovine koji je bio predmet praćenja ili prisluškivanja treba, po okončanju praćenja ili prisluškivanja, biti obaviješten o preduzetim mjerama, osim ako bi takva informacija mogla ugroziti okončanje zadataka Agencije ili okončanje postupka pred nadležnim organima."

Član 30.

U članu 86. stavu 2. riječi: "povjerljivih informacija" zamjenjuju se riječima: "tajnih podataka".

Član 31.

U članu 87. stavu 2. riječ "povjerljiva" zamjenjuje se riječju "tajna".

U članu 87. iza stava 2. dodaje se novi stav 3. koji glasi:

"Kao izuzetak od odredbe stava 1. ovog člana, za otkrivanje informacija stepena VRLO TAJNO i tajnih podataka o evidenciji saradnika potrebna je i saglasnost predsjedavajućeg Vijeća ministara."

Član 32.

Ovaj Zakon stupa na snagu osmog dana od dana objavljivanja u "Službenom glasniku BiH".

PSBiH broj 328/06
7. jula 2006. godine
Sarajevo

Predsjedavajući
Predstavničkog doma
Parlamentarne skupštine BiH
Martin Raguž, s. r.

Predsjedavajući
Doma naroda
Parlamentarne skupštine BiH
Goran Milojević, s. r.